

Skipulagsskrá Styrktarsjóðs Áslaugar Hafliðadóttur

1. grein

Sjóðurinn heitir Styrktarsjóður Áslaugar Hafliðadóttur. Sjóðurinn er stofnaður af db. Áslaugar Hafliðadóttur f. 22. ágúst 1929, d. 21. ágúst 2011, kt. 220829-3599, og erfingjum hennar, til minningar um hana og foreldra hennar, þau Sesselju Eiríksdóttur og Hafliða Jón Hafliðason.

Í erfðaskrá, dags. 8. nóvember 2007, arfleiddi Áslaug Hafliðadóttir eftir sinn dag Háskóla Íslands fasteignina Bjarkargötu 12 í Reykjavík til minningar um foreldra sína og jafnframt 25% af öllum bankainnistæðum og andvirði verðbréfa í sinni eigu. Styrktarsjóður Áslaugar Hafliðadóttur er andvirði þessara eigna, þ.e. söluandvirði fasteignarinnar ásamt bankainnistæðum og verðbréfum, sbr. 3. gr.

Heimili og varnarþing sjóðsins er í Reykjavík

Sjóðurinn er í umsjá og vörsu Styrktarsjóða Háskóla Íslands og fellur undir sjóði sem lúta yfirstjórn Háskóla Íslands.

2. grein

Tilgangur Styrktarsjóðs Áslaugar Hafliðadóttur helgast af fyrirmælum í erfðaskrá Áslaugar. Samkvæmt henni skal nota sjóðinn til eflingar íslenskri tungu með þeim hætti sem stjórn Háskóla Íslands telur að koma muni að mestu gagni. Það skilyrði er sett að sjóðurinn verði notaður til sérverkefna á sviði íslenskra fræða eða stuðnings við þá sem leggja stund á íslensk fræði, en gangi ekki til almenns rekstrarkostnaðar Háskólans.

Fyrst af öllu er sjóðnum ætlað styrkja málefni er stuðla að eflingu íslenskrar tungu.

Styrkir skulu veittir starfsmönnum eða nemendum Háskóla Íslands til sérverkefna á vegum Háskólans á sviði íslenskra fræða er falla að þessu markmiði, s.s. til rannsókna, þróunar, kennslu, þjálfunar, nýmæla eða tækja og búnaðar í þágu tilgangs sjóðsins. Sérstaklega skal stutt við verkefni er lúta að ritfærni og þjálfun nemenda allra fræðasviða háskólans við beitingu íslensks míals og til að styrkja stöðu íslenskunnar í síbreytilegu tæknumhverfi.

3. grein

Stofnframlag sjóðsins er 120.000.000,- kr. – eitt hundrað og tuttugu milljónir króna -

Einn sjötti hluti stofnframlags sjóðsins, verðbættur, er óskerðanlegur. Tekjur sjóðsins eru eftirfarandi:

Vextir og arður af eignum sjóðsins.

Fé og annað verðmæti sem safnast í nafni sjóðsins.

Styrktarsjóðir Háskóla Íslands annast ávöxtun sjóðsins og skal hún vera sem hagkvæmust á hverjum tíma og taka mið af fjárfestingastefnu Styrktarsjóða Háskóla Íslands.

Heimilt er að úthluta til styrkja allt að 100.000.000,- kr. á 7-10 ára tímabili sem dreifist sem jafnast á hvert ár, að teknu tilliti til verðlagsbreytinga.

Reikningsár sjóðsins skal vera almanaksárið. Reikningar sjóðsins skulu endurskoðaðir af endurskoðanda Styrktarsjóða Háskóla Íslands og þeir birtir með sama hætti og aðrir reikningar Háskóla Íslands.

4. grein

Rektor Háskóla Íslands skipar þriggja manna stjórn sjóðsins til þriggja ára í senn. Rektor velur two og skal annar þeirra vera formaður stjórnar. Erfingjar Áslaugar Hafliðadóttur tilnefna einn stjórnarmann.

Stjórnarstörf eru ólaunuð.

Hlutverk stjórnar er að gera tillögu til rektors um einstakar styrkveitingar, hafa eftirlit með ráðstöfun styrkja og meðferð fjármuna og jafnframt að meta árangur verkefna sem styrkt eru. Stjórnin kemur saman að minnsta kosti árlega. Stjórnin setur sér nánari starfsreglur að höfðu samráði við rektor og skal

stjórn endurskoða starfsreglurnar eftir þörfum. Sjóðsstjórn heldur formlega fundargerðabók um starf sitt og afritum fundargerða skal skila til Styrktarsjóða Háskóla Íslands.

5. grein

Háskólarektor tilkynnir úthlutun við hátiðlega athöfn.

6. grein

Minningu Áslaugar Hafliðadóttur skal ávallt haldið á lofti með sýnilegum hætti af hálfu Háskóla Íslands.

Ekki er hægt að leggja sjóðinn niður eða gera breytingar á hlutverki hans og tilgangi af öðrum ástæðum en kveðið er á um í lögum og ekki án þess að sjóðsstjórn og rektor Háskóla Íslands séu einhuga um þá ákvörðun. Verði sjóðurinn lagður niður, renna fjármunir hans til málefna er tengjast tilgangi sjóðsins.

7. grein

Um starfsemi sjóðsins fer eftir því sem segir í lögum nr. 19/1988 um sjóði og stofnanir sem starfa samkvæmt staðfestri skipulagsskrá. Staðfestingar sýslumannsins á Sauðárkróki skal leitað á skipulagsskrá þessari og breytingum sem kunna að verða gerðar á henni.


Reykjavík, 7. mars 2014

Samþykkt fyrir hönd Háskóla Íslands



Kristín Ingólfssdóttir

Kristín Ingólfssdóttir, rektor

Vottar

 Gunn-Rún Jónasson

200157-4789

 Birgitha Þorsteinsdóttir

228952-4449